



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. III. Cui potentiæ hominis insit libertas indifferentiæ necessaria ad meritum, & demeritum? ubi de voluntatis determinatione ad electionem.

urn:nbn:de:hbz:466:1-39981

§. III.

Cui potentiae hominis insit libertas indifferentiae necessaria ad meritum, & demeritum? ubi de voluntatis determinatione ad Electionem.

458. **I**ndifferentia alia est passiva, alia activa: prior positis omnibus ad patiendum requisitis potest purè pati, & non pati: hæc quā talis nequit esse libera libertate indifferentia, uti constat ex hujus definitione sita in eo, quod positis omnibus ad agendum requisitis potentia libera possit agere, & non agere, ex propriâ determinatione, seu se ipsam determinando ad actionem, contra potentia purè passiva, et si queat esse indifferentis positis omnibus ad agendum requisitis ad pati & non pati, nequit tamen quā talis determinare se ad pati, & non pati.

Indifferentia activa est duplex; una contrarietatis, altera contradictionis: contrarietatis indifferentia est ad actus duos oppositos contrariè, nempe unum bonum, alterum malum, e.g. ad amorem, & odium DEI, & ideo necesse est præcedere judicium indifferenter proponens oppositas contrarias rationes, nempe boni, & mali. Indifferentia contradictionis est ad actus sibi contradictoriè oppositos v. g. amorem DEI, & hujus omissionem, & ideo debet praire judicium proponens rationes contradictoriè oppositas, aut proponens bonum cum de-

R. P. Karch. Diff.

fectu alicujus boni saltem relucente in ipso exercitio actus.

Judicium istud præsum ad utramque libertatem dicitur esse objectivè indifferentis, quia objectum quod proponit, non necessitat potentiam liberam, sed relinquit illi indifferentiam se determinandi. De hac igitur indifferentia activa quæstio est, cui potentia hominis insit.

De tribus potentijs est controversia, nempe de voluntate, de intellectu, & appetitu sensitivo: in hoc esse aliqualem libertatem, sequitur ex sententia Cajetani admittentis eum posse venialiter peccare. Durandus attribuit intellectui libertatem Exercitij, & quidem priùs & principalius, quam voluntati, soli tamen huic concedit libertatem contrarietatis. Aureolus autem tam intellectum, quam voluntatem esse potentias formaliter liberas cum mortuo invicem nexu docuit. Dixi formaliter, quia intellectum esse radicaliter potentiam liberam, est certum, est enim Radix, & Principium Judicij objectivè indifferentis proponentis objectu sub ratione boni aut mali, aut utriusque, quo stante est in potestate voluntatis se ipsum determinare,

Xx

ac

ac applicare, ad hunc actum præ hujus omissione, aut contrario.

459. Respondeo ad quæstionem soli appetitui rationali, seu voluntati inest formaliter libertas potentia, seu actus primi, ita cæteri Theologi cura S. Th. 1. p. q. 83. Art. 3. & 4. Conformatum Principijs Fidei. Probatur primò quod scriptura explicit libertatem relatè ad voluntatem, Ecclesiast. 15. *Si volueris mandata servare conservabunt te, Apposuit tibi aquam & ignem, ad quam volueris porrigit manum tuam.* in quem locum August. Lib. de Grat. & lib. Arb. c. 2. Ecce apertissimè videmus expressum liberum humanae voluntatis arbitrium, &c ad Cor. 7. potestatem habens sua voluntatis, quo loco ibi Augustinus utitur ad assertendum liberum arbitrium.

Secundò Trid. Ses. 6. c. 5. loquens de homine, qui cooperatur liberè gratiæ: *Quippe qui, inquit, illam nempe gratiam abjecere potest. Neque tam sine gratia DEI movere se ad Justitiam coram illo liberâ suâ voluntate potest.*

Tertiò nullum peccatum committi potest sine consensu voluntatis, scriptura enim, quoties meminit peccati, hoc imputat voluntati, sed si intellectus esset potentia formaliter libera ante consensum voluntatis posset esse peccatum, nam ante consensum voluntatis intellectus proponit indifferenter, objectum malum pro priori ad voluntatem, uti fatur Durandus, ergo ad peccatum nihil

tunc desideratur; nisi libera tendentia in objectum malum, seu rationi dissforme, sed juxta Durandum intellectus indifferenter à voluntate, ac pro priori ad hanc est potentia formaliter libera, ergo pro priori ad voluntatem potest se determinare ad objectum malum, proinde peccare. Argumentum hoc demonstrat intellectum non posse adequatam libertatem, & quidem nec de possibili contra Arriag. de anima D. 8. n. 43. si enim esset possibilis, defacto nostra esset talis, sed defacto nostra non est talis juxta Arriag. contra Durandum, ergo Major probatur, defacto in nostro intellectu est indifferentia circa objecta probabilia.

Quod autem nec inadequare intellectus sit formaliter liber probatur: ponere actum liberum est saltem exercitum præcligere præ omissione ejus, & actus oppositi, sed præcligere est liberè velle, ergo ponere actum liberum est liberè velle, ergo liberè velle, est actus folius voluntatis.

Discursus hic est S. Th. cit. Art. 3, in Corp. Proprium inquit, liberi Arbitrij est electio; ex hoc enim liberi Arbitrij esse dicimus, quod possumus unum recipere alio recusato, quod est eligere, & ideo naturam liberi Arbitrij ex electione considerare oportet. Ad electionem autem concurrit aliquid ex parte cognitivæ virtutis, & aliquid ex parte appetitivæ. Ex parte cognitivæ virtutis requiritur Consilium, per quod dijudicatur, quid sit alteri præferen-

ferendum; ex parte autem appetitiæ requiritur, quod appetendo acceptetur, quod per Consilium dijudicatur.

460. Probatur demum de appetitu sensitivo. Radix libertatis est cognitio proponens objectum indifferenter ad amandum, vel non amandum, vel ad odio habendum, quæ deest in appetitu sensitivo, cognitio enim phantastica prælucens appetitui sensitivo repræsentat, vel solam sensibilem amabilitatem, seu delectabilitatem, aut solam sensibilem odibilitatem cum determinatione ad amorem amabilitatis, vel ad odium odibilitatis, ut patet in brutis. In homine autem ex eo, quod cogitatio phantastica conjuncta sit intellectui, nullam contrahit majorem vim; & dignitatem ad movendum appetitum sensitivum quæ talem, seu ut operativum actuum materialium. Argumenta oppositarum sententiarum fusæ proponit Amic. to. 3. de Actib. Hum. D. 6. eaque dissolvit à num. 25.

Ea duntaxat probant, quod intellectus sit libertas non formalis, sed radicalis, intellectus enim faciem præfert, habetque se instar Consiliarij, qui præcisè se habet per modum dirigentis stante integrâ libertate pœnes Regem, seu voluntatem in rem adductam in Consilium, dirigit autem voluntatem propendo isti objectum indifferenter, quæ indifferentia est Radix libertatis formalis secuturæ in voluntate.

461. Dices primò omne liberum, est cognoscens, sicut omne cognoscens est vivens, sed cognoscens secundum id, se-

cundum quod cognoscit, vivit; ergo omne liberum, secundum quod est liberum est cognoscens. Secundò si intellectus non est formaliter liber, prudenter non est virtus moralis, quia est habitus intellectus partialiter concurrens ad actus intellectus suos eliciendos.

Tertiò. Circa objecta probabilia intellectus est indifferens ad affirmandum, vel negandum, manetque ambiguus, ergo videtur habere libertatem ad assensum, & dissensum. Quartò homo non elevatus non est liber ad actus supernaturales, divinitus tamen est liber, ergo potentia naturaliter non libera potest supernaturaliter esse libera; ergo potentiae non liberae potest divinitus dari libertas, idque patet in homine, qui non potest omnes collectivè tentationes vincere, gratiâ tamen divinâ adjutus potest. Quintò voluntas nequit unum præ alio eligere, nisi intellectus practico Judicio, proponat illud esse præ alio eligendum, dato autem tali practico Judicio, voluntas necessariò illud præeligit, quod salvari non posset, nisi intellectus prius sit formaliter liber, ad practice ju dicandum unum esse eligendum præ alio.

Respondeo ad primum omne liberum realiter, & identicè est cognoscens in sententia identificante realiter animæ potentias ejusdem, in Thomistarum verò opinione easdem distinguente ab animâ, ac inter se, liberum formaliter non est formaliter cognoscens, sed præsuppositivè, voluntas enim præsupponit cognitionem in intellectu realiter, aut in mea sententia formaliter distincto à voluntate, & hoc sufficit.

Ad secundum dico prudentiam non esse intrinsecè virtutem moralem, est igitur in tantum virtus moralis, in quantum est auriga, seu directrix virtutum moralium spectantium ad voluntatem.

Ad tertium dico quod intellectus hæreat suspensus cum indifferentia, non id fit, quasi haberet potestatem in actum, quo verò consentit, falsoque dissentit, sed id fit, ob imperfectionem apprehensionis non sufficienter proponentis veritatem aut falsitatem, idcirco opus est voluntate applicante, & determinante intellectum ad assentium.

Ad quartum, quod est Arriag. Respondeo, quod homo non elevatus ad actus supernaturales naturaliter nec est liber, nec necessitatus defectu cognitionis supernaturalis, hujus autem divinitus sit capax: voluntas actus supernaturales potest elicere, vel liberè, si cognitione sit indifferens, vel necessariò si cognitione determinet, seu necessitat voluntatem, uti necessitat visio beatifica, ad actus supernaturales amoris divini &c. Si elicit liberè, nihil voluntas immutatur, est enim de se libera, si elicit necessariò, id oritur à cognitione tali cogente voluntatem, qua coactio non est contra natum voluntatis, siquidem hæc aliquos saltem actus naturaliter, seu necessariò elicit, nempe motus primò primos, voluntas enim est potentia necessaria, & libera pro variatione cognitionis præludentis.

Ad tentationes dico hominem non posse viribus ordinarijs liberè vincere omnes collectivè, at bene distributivè, & quidem dum gratia divinâ homo corroboratus collectivè vincit, Deus, non

dat homini libertatem simpliciter, sed facit, ne liberè succumbat illi tentatio, cui alias liberè succubuisse, si efficacij gratiâ non præventus esset à Deo.

462. Ad quintum tangitur controversia, quæ queritur, unde proveniat determinatio voluntatis constituta in actu primo proximo ad unum extreorum (ad quæ est indifferens) præ alio. Determinatio quoad specificationem sit ab intellectu Amicus hic D. 6. num. 101. Siquidem hæc determinatio consistit in eo, ut voluntas nequeat hunc, aut illum actum in specie præ alio clicere, nisi sub oppositis rationibus, seu boni, & mali objectum sit representatum voluntati per intellectum, cum representatio à nullo fiat, nisi per cognitionem. Ergo controversia est de sola determinatione quoad exercitium, utrum hoc judicium practicum proponens executionem operationis ita voluntatem determinet, ut nequeat velle oppositum.

Bellar. Lib. 3. de Grat. & lib. Arbit. c. 5. & Thomista apud Soarez *Metaphysica Disputationes* 19. S. 6. i num. 1. Affirmant vocantes illud judicium imperium (quo hic, & nunc intellectus pensatis omnibus definitam sententiam proferat, hoc esse homini eligendum) vel impulsu, qui explicatur hæc voce, *fæc hor*, efficiat. Ratio hujus sententiae ab Amic. num. 103. sic proponitur: nequit voluntas quidquam velle sine previo judicio rationis, ergo judicium est vel determinatum, vel indeterminatum, si hoc secundum etiam voluntas manebit indeterminata, si est determinatum, etiam voluntas erit determinata, sed ultimum judicium practicum est

est omnino determinatum, concludit enim hic, & nunc pensatis omnibus hoc esse eligendum, hoc autem posito iudicio practico voluntas necessariò efficit, quod probatur, quia si voluntas contra hoc practicum iudicium posset operari, eligeret aliquid non judicatum proinde dareretur alicujus electio sine prævio iudicio.

463. E contrâ Soarez à num. 7. propugnat communiorum non agnoscendem necessitatem ejusmodi iudicij practici omnino determinantis voluntatem, quia aut tale iudicium est simpliciter necessarium, aut liberum, si simpli- citer necessarium, tunc intellectus, vel ex vi solius objecți, mediisque evidenter, aut cause alterius necessitatis intellectu, tale format iudicium; & tunc tollitur libertatis usus, siquidem nec iudicium formatur liberè, nec voluntas eo posito liberè exercetur, sed necessariò. Si vero illud iudicium est liberum; quæro, utrum sit liberum elicitive ex vi intellectus, vel imperative à voluntate: primum nequit dici, alia intellectus esset potentia formaliter libera contra num. 459. Si autem liberè impetratur à voluntate, sequitur, aut non omnem actum voluntatis elici ex determinatione praefati iudicij practici, quod negant Adversarij, aut proceditur in infinitum: nam inquirio, utrum actus voluntatis imperans intellectui iudicium practicum, seu determinans intellectum ad practicè iudicandum hic, & nunc esse hoc eligendum, de pendeat ab alio iudicio intellectus, & de hoc redit questionis utrum sit necessarium, vel liberum &c.

Ad argumentum ex Amico proposatum Respondeat Soarez à num. 10. vo-

luntatem nihil velle sine prævio rationis iudicio, si sensus sit, quod nisi prius intellectus judiceret, quale habeat bonitatem, utilitatem aut convenientiam medium eligendum, & ipsa electio, voluntas nequeat quidquam velle, antecedens est verum; falsum autem, si sensus sit, quod nihil possit velle, nisi prius judiceret absolute, & omnino hic, & nunc hoc esse eligendum, tunc enim sensus est, quod hic, & nunc omnibus persensis sub aliquâ ratione sit necessarium hoc eligere, quale iudicium necessariò præcedere ante omnem electionem nulla ratio probat, tollitque electionis libertatem.

Quare ut voluntas liberè velit, sufficit iudicium iudicans hoc, illudque medium esse utile, & pensatis omnibus esse aptum ut eligi possit: nec ejusmodi iudicium, quo intellectus judicat, quale sit objectum, quamque habeat amabilitatem, aut convenientiam, potest dici indeterminatum, sed est determinatum, potestque esse multiplex, ut contingit, quando Intellectus de pluribus objectis iudicat, qualia sint; prout sit in libertate contrariantis, vel potest dici determinatum de objecto Indifferenti, sive non necessitante voluntatem, quale iudicium sufficit, ut voluntas pro sua nativa libertate possit se determinare ad sequendum tale iudicium.

464. Ex his Respondeatur ad Consequens argumenti ex Amico propositi num. 462. iudicium esse determinatum, de objecto tamen non determinante, sed indifferenti, & ideo voluntas non est ab eo determinata, se ipsam tamen potest determinare, idque non solum, quando

do iudicia sunt de medijs inæqualibus, sed etiam æqualibus, unde eo casu non necessariò hæret voluntas Suspenſa: dat illustre hujus exemplum Soarez n. 13. In voluntate Divina, quæ ex infinitis mundis huic æqualibus liberè se determinavit ad hunc præ alijs. Idem num. 11. ex eadem divina voluntate ostendit falsitatem opinio-
nis oppositæ recurrentis pro determinatione voluntatis ad eligendum liberè ad istud *practicum iudicium*, hoc hic, & nunc est mihi omnino eligendum. DEUS enim ab æterno liberè eligit quæcunque defactò creavit, sine prævio iudicio, quo ante electionem judicasset, hæc, vel illa sunt omnino eligenda, aut amanda, tale enim iudicium est falsum in rigore, innuit enim quod talia objecta extra DEUM sint ipsi aliqualiter necessaria: solùm ergo præcedit iudicium, quod talia objecta sint convenientia, aut eligibilia.

Quod si unicum adsit iudicium juri-
dicans convenientiam, ac dignitatem, ut appetatur, & quantum potest practi-
cè invitit voluntatem ad sui appetitum, adhuc voluntas potest illud non amare consequenter esse libera quoad exerci-
tium.

Nunc redeo ad objectionem quintam num. 461. propositam negando majorem, talis enim iudicij nulla est ne-
cessitas, sed sufficit iudicium proponens utilitatem, ac aptitudinem medijs, hūjusque convenientiam cum fine; tale enim est de objecto indifferenti, ac re-
linquit voluntati indifferentiam; propo-
nit tamen objectum cum sufficientia, ut voluntas se ipsam determinare possit ad extre-
mum contradictorium, aut contrari-
um, aut omissionem utriusque. Et sic manet vera communis sententia ad liber-
tatem ex parte intellectus exigens cogni-
tionem indifferentem, sive talem, quæ proponat in objecto bonum, & malum, ut fit in libertate contrarietas; vel bonum finitum, aut infinitum, sed imper-
fectè, ac obscurè, ut fit in libertate con-
tradictionis, vel bonum in objecto, &
malum in actu, sic etiñ nihil mali appa-
reat in D E O, potest tamen amor eius suspen-
di ob malitiam, quæ appareat in
continuata ejus elicitione, nempe ob de-
fatigationem. Ratio quia *practicum Ju-
dicium Thomisticum dictans voluntati
facit*, aut *aut elige hanc partem, tol-
lit libertatem per num. 462.*

¶ seqq.



S. IV-